

1. **პროგრამის სახელწოდება:** ამერიკისმცოდნეობა

2. **პროგრამის ხელმძღვანელი:** ასოცირებული პროფესორი ელენე მეძმარიაშვილი.
კონსულტანტი: რატგერსის უნივერსიტეტის (აშშ) ამერიკამცოდნეობის დეპარტამენტის პროფესორი მაიკლ როკლენდი

3. **მისანიჭებელი აკადემიური ხარისხი:** ამერიკისმცოდნეობის მაგისტრი – MA in American Studies

4. **პროგრამაზე დაშვების წინაპირობა:**

- ნებისმიერი სპეციალობის ბაკალავრის ხარისხის მქონე პირი;
- პროგრამაზე დაშვება შესაძლებელია მხოლოდ ერთიანი სამაგისტრო გამოცდის ჩაბარების შემთხვევაში.
- თანაბარ პირობებში უპირატესობა მიენიჭება სტუდენტთა სამეცნიერო კონფერენციებში მონაწილე კონკურსანტს (სტუდენტთა სამეცნიერო კონფერენციებში მონაწილეობის დამადასტურებელი დიპლომი სხვა საბუთებთან ერთად უნდა იყოს წარმოდგენილი);
- სამუშაო გამოცდილება არ არის სავალდებულო;

5. **სამაგისტრო პროგრამის საკვალიფიკაციო დახასიათება:**

მიზნები: სამაგისტრო პროგრამა ინტერდისციპლინარულია. ის მიზნად ისახავს აშშ-ის ყოველმხრივ შესწავლას და, როგორც მკვლევარი, ასევე, პრაქტიკოსი ამერიკისმცოდნეების მომზადებას, რომლებსაც ეცოდინებათ ამერიკის ცხოვრების პრაქტიკულად ყველა სფერო: ისტორია, ფილოსოფია, პოლიტიკა, ეკონომიკა, საზოგადოება, სულიერი და მატერიალური კულტურა.

აშშ-ის პოლიტიკური და სოციალური ისტორიის, ამერიკელი ხალხის თვითმყოფადობის, მულტიკულტურული, პოლიეთნიკური, პოლიკონფესიური საზოგადოების თავისებურებების, პოლიტიკური და სოციალური ინსტიტუტების, კულტურისა და პრესის, ლიტერატურის ანალიზი კურსდამთავრებულს საშუალებას მისცემს გახდეს პროფესიონალი ამერიკისმცოდნე, რომელიც შეძლებს ამ ზესახელმწიფოს მიღწევებისა თუ პრობლემების შესახებ ობიექტური ცოდნის გამოყენებას საკუთარი ქვეყნის საკეთილდღეოდ.

პროგრამაში შეტანილი კურსები მრავალფეროვანია, ძირითადად, ინტერდისციპლინარულია, რის გამოც სწავლების პროცესში ჩართული არიან სხვადასხვა ფაკულტეტისა და მიმართულების (ზოგიერთ შემთხვევაში კი, სხვადასხვა უნივერსიტეტის) პროფესორები. პროგრამაში მონაწილეობას მიიღებენ სტენფორდისა და რატგერსის უნივერსიტეტების პროფესორები, რომლებიც ჩაატარებენ ლექციების ციკლს ამერიკის საზოგადოებისა და კულტურის საკითხებზე ინტერნეტის (ე.წ. ვიდეო კონფერენციების) მეშვეობით და კონსულტაციას გაუწევენ, ან უხელმძღვანელებენ სამაგისტრო ნაშრომებს.

სწავლების პროცესში, აქტიურად არის ჩართული პროგრამის კონსულტანტი, რატგერსის უნივერსიტეტის პროფესორი მაიკლ როკლენდი. გათვალისწინებულია მისი ერთობლივი კურსი ქართველ პროფესორთან ერთად. პროგრამაში მონაწილეობას მიიღებენ სხვა ამერიკელი პროფესორებიც, (მაგ. პენსილვანიის უნივერსიტეტი) რომლებიც სემესტრის ან სასწავლო წლის განმავლობაში ერთხელ მაინც ჩაატარებენ ლექციების მოკლე კურსს, ცალკეულ ლექციებს, ან ინტერნეტ კურსებს. პროგრამა უზრუნველყოფს არა მარტო ემპირიულ და თეორიულ ცოდნას, არამედ შემდგომი ინდივიდუალური, თუ კოლექტიური სამეცნიერო-კვლევითი და პრაქტიკული მუშაობის უნარ-ჩვევების გამომუშავებას.

ჩვენი ძირითადი კურსები კონცენტრირებულია ინტერესების რამდენიმე სფეროზე, კერძოდ, პოლიტიკურ და სოციალურ მეცნიერებებზე, ამერიკის ფილოსოფიაზე, ლიტერატურასა და კულტურაზე.

შედეგები: პროგრამის დასრულების შემდგომ მაგისტრი უნდა ფლობდეს ღრმა ცოდნასა და შეეძლოს შემდეგი საკითხებისა და პრობლემების გაცნობიერება:

- ამერიკის ცხოვრების პრაქტიკულად ყველა სფეროს: ისტორიის, ფილოსოფიის, პოლიტიკის, ეკონომიკის, საზოგადოების, სულიერი და მატერიალური კულტურის მიმართულებით;
- აშშ-ისა და ლათინური ამერიკის ძირითადი ქვეყნების პოლიტიკური, სოციალურ-ეკონომიკური და კულტურული განვითარების, ასევე, ამერიკელი ერის თვითმყოფადობის, მულტიკულტურული, პოლიეთნიკური, პოლიკონფესიური საზოგადოების თავისებურებების, პოლიტიკური და სოციალური ინსტიტუტების, კულტურისა და პრესის, ლიტერატურის გაცნობიერება;
- ნებისმიერი სფეროდან (ისტორია, ფილოსოფია, ლიტერატურა, ეკონომიკა, კულტურა და ა.შ.) ამერიკისმცოდნისათვის აუცილებელი აქტუალური პრობლემებისა და მიღწევების ცოდნა და გაცნობიერება;
- აშშ-საქართველოს მრავალმხრივი ურთიერთობის ისტორიისა და მისი განვითარების პერსპექტივების გაცნობიერება, ასევე, ამერიკაში ქართული დიასპორის ისტორიისა და მისი თანამედროვე პრობლემების ისტორიის ცოდნა;

მაგისტრს უნდა შეეძლოს:

- აშშ-ის და ლათინური ამერიკის ქვეყნების როგორც მიღწევების, ასევე პრობლემების ცოდნის გამოყენება საკუთარი ქვეყნის პრობლემების უკეთ გაცნობიერებისა და მათი გადაჭრის გზების მოძიება;
- ნებისმიერი ასპექტით (ისტორიული, ფილოსოფიური, მხატვრულ-ესთეტიკური, პოლიტიკური) იკვლვილოს ამერიკული ფენომენი, განსაზღვროს მსოფლიო ფილოსოფიურ და პოლიტიკურ-მორალურ აზრთან მიმართებაში მისი ადგილი.
- ინგლისურ და ესპანურენოვანი ლიტერატურისა და პროფესიული წყაროების კითხვა-თარგმნი. ენის თავისუფლად გამოიყენება სოციალურ, აკადემიურ და პროფესიულ თემებზე სასაუბოდ.

- გარდა ამისა, ის დახელოვნდება გუნდურ მუშაობაში, რეფერატისა და ესსეს წერაში, პროექტაციების მოწყობაში; ჩამოუყალიბდება ანალიტიკური აზროვნებისა და დამოუკიდებელი კვლევის უნარ-ჩვევები, რომლებიც ნებისმიერ სფეროში წარმატების მიღწევის საწინდარია.

დასაქმების სფეროები:

- სამეცნიერო-კვლევითი და მთარგმნელობითი ცენტრები
- ამერიკულ-ქართული კომპანიები, ფონდები და ორგანიზაციები
- ამერიკისა და საქართველოს დიპლომატიური წარმომადგენლობები
- ბიბლიოთეკები
- გამომცემლობები
- მასმედია.

სწავლის გაგრძელების საშუალება: მაგისტრს შეუძლია სწავლა გააგრძელოს დოქტორანტურაში ამავე სპეციალობით ან მომიჯნავე სპეციალობებზე.